



KOMUNIKADO DI PRENSA

Willemstad, 23 di yùni 2022

TARIFA DI GASOLIN I DIESEL TA SUBI, ELEKTRISIDAT I AWA TA BAHA

WILLEMSTAD – Entrante djamars 28 di yùni 2022 e tarifa regulá di gasolin i diesel ta subi na Kòrsou. E tarifa di elektrisidat i awa ta baha entrante djabièrnè 1 di yùli 2022. Esaki Bureau Telecommunicatie en Post (BT&P) ta partisipá den su komunikado mensual riba e partikularidat aki. BT&P ta supervisá e desaroyo di preis di produktonan petrolero i di utilidat.

Kálkulo tarifa produktonan kombustibel

E kálkulo di tarifa pa Mogas 95, Gasoil LSD, LPG 20 i LPG 100 konosé e komponentenan

1. Preis di kompra, 2. Impuesto di importashon LSD, 3. Garantia di suministro di kombustibel (1a), 4. Garantia di suministro di kombustibel (1b), 5. Márgen pa Curoil, 6. Impuesto di konsumo (Akseins), 7. Sùrplùs/Défisit (Recovery), 8. Supsidio krusá, 9. O.B. di 6% pa benta por mayor, 10. Márgen pa agente, i 11. O.B. di 6% pa benta por detal. Pa sierto komponente e tarifa sero ta konta, sea temporalmente òf nò. E tarifa pa benta por mayor ta inkluí e promé nuebe komponentenan miéntras ku e tarifa pa benta por detal (na usuario final) ta inkluí tur komponente.


Ta determiná e preis di kompra, kaminda kalkulashon ta kuminsá, mensualmente pa e luna siguiente a base di e reserva di kombustibel disponibel na final di luna pasá. Pues: e preisnan di kompra ku ta stipulá pa yùli 2022, en prinsipio ta basá riba e reserva di kombustibel disponibel pa final di mei 2022.

Den kaso ku si e informashon tokante di reserva duná dor di Curoil ta inalkansabel, lo tin ku sali for di e kotisashon internashonal resien. E preisnan di kompra akí ta wordu revisá dor di notashon di preis internashonal. Dor di e lapso aki den e mekanismo pa determiná preis, por ta nesesario pa deskontá eventual diferensia entre e preis di kompra regulá i e montantenan di kompra real, di forma retroaktivo via e elemento 'Sùrplùs/Défisit'.

E fluktuashon di preis riba merkado internashonal e último simanan ta masha fuerte i e desaroyonan na Kòrsou ta kana huntu den liña. Akibou ta sigui un resúmen di e desaroyo di preis di krudo (WTI) i e preisnan di Platts pa Mogas i LSD for di prinsipio di 2022.



WTI en Platts ontwikkeling (jan-22- heden) - INTERNATIONAAL



E tarifa pa usuario final pa Mogas 95 ta oumentá fuertemente komo konsekuensha di un oumento drákstiko den preis di kompra. Pa por mitigá e oumento di preis a skohe pa implementá esaki den dos stap mediante un korekshon negativo den e komponente Sùrplùs/Défisit. E tarifa usuario final pa LSD ta subi tambe komo konsekuensha di un oumento den e preis di kompra. Ta plama e défisitnan pa tantu Mogas komo LSD ofer di un periodo mas largu pa (mas aleu) pa mitigashon di oumento di preis. E medidanan pa mitigashon sinembargo lo mester wòrdu korigí aún den e próksimo lunanan.

Káalkulo tarifa awa i koriente

E káalkulo di e tarifa pa awa i elektrisidat tin dos komponente: e tarifa básiko i e klousula di kombustibel. E klousula di kombustibel pa elektrisidat ta konsistí di dos elemento: kompra di koriente i gastunan di kombustibel. E ‘kompra di koriente’ ta basá riba e preis pa e energia ku tersernan ta suministrá, manera energia di bientu i di solo. ‘Gastunan di kombustibel’ ta enserá produkshon di energia dor di Aqualectra mes. Tambe e klousula di kombustibel pa awa ta konsistí di dos elementu, ku ta “kompra” basá riba preis di awa ku ta wòrdu suministrá dor di un terser partido i e gastunan di elektrisidat pa produkshon di awa dor di Aqualectra mes.

Sin embargo, kada luna e uso di e diferente medio pa produkshon – e asina yamá ‘meskla di produkshon’ ta varia. P’esei BT&P ta determiná e balor di e klousula di kombustibel mensualmente basá riba e pronóstiko di Aqualectra, di kiko e meskla di produkshon lo bira, den e kaso aki pa e luna di yùli 2022. Si un luna despues resultá ku e elemento akí tabata muchu haltu òf muchu abou, ta korigí esaki. Den e kaso akí, ta trata di e luna di mei 2022.

BT&P ta determiná e tarifa básiko pa tantu awa komo elektrisidat un biaha pa aña. E tarifa akí ta enserá tur otro gastu (fiho) pa e produkshon di awa i elektrisidat i tambe e gastunan pa e distribushon i e entrega di esakinan, manera gastu di personal, di mantenshon, depresiashon, etc.

E bahada di tarifa pa elektrisidat i awa ta resultado di e promedio kosto di kombustibel abou pa



produkshon di elektrisidat respektivamente kosto di elektrisidat abou pa produkshon di awa, e produkshon miksto pronostiká i tambe un faktor di korekshon abou ofer di mei 2022.

Aprobashon i fihamentu

BT&P ta asesora Konseho di Minister (KdM) enkuanto e tarifanan nobo. Solamente despues ku e KdM aprobá e propuesta, e Minister pa Desaroyo Ekonómiko, ku a la bes ta enkargá ku asuntunan di energia, ta fiha e tarifanan. Eseinan ta e tarifanan máksimo ku por usa un luna largu. Ku e prosedura akí, ku ta konsiderá faktornan internashonal i lokal, e supervisor BT&P ta vigilá e entrega di kombustibel, awa i elektrisidat na e poblashon lokal di forma independiente i transparente, pa esaki ta kontínuo i rasonabel.

Por mira e ahustenan eksakto den e tarifanan riba www.btnp.org.

[FIN DI KOMUNIKADO DI PRENSA]

Nota pa Redakshon:

Pa mas informashon tokante di e komunikado di prensa akí, por tuma kontakto ku Bureau Telecommunicatie en Post na +(599-9) 463-1700.